



Inatsisartunut ilaasortaq  
Mette Arqe-Hammeken, Naleraq  
/Maani

## **Jameson Land pillugu § 37 naapertorlugu apeqquteqaammut nr. 074-imut akissut**

Allakkat ulluat 12-05-2026  
Suliap nr. 2026 - 9192  
Aktnr. 23252038

Asasara Mette Arqe-Hammeken,

Jameson Land pillugu Inatsisartut suleriaasianni §37, imm. 1 naapertorlugu Naalakkersuisunut apeqquteqarputit.

Apeqqutit matuma kinguliani akissuteqarfigineqarput.

### **Apeqqut 1. Jameson landimi uuliasiornissamut qillerinissamut tunngatillugu suliaq sumut killinnersoq Naalakkersuisut ilisimatitsissutigisinnaavaat?**

**Akissut:** Jameson Landimi ikummatissiassanut misissuinissamut qalluinissamullu akuersissutit pingasut tunniunneqarsimasut, Naalakkersuisut paasissutissiissutigisinnaavaat. Akuersissutit 2015-imi aamma 2019-imi tunniunneqarput. Akuersissutit suli atuupput aammalu sumiiffiup annertunerpaartaanut tunngassuteqarlutik. Suliassaq aallarniutaasumik misissuineri killiffeqarpoq. Suli suliassamut pilersaarutit, VVM imaluunniit VSB (avatangiisinut sunniutaasussanik aammalu inuiaqatigiinni piujuaannartitsisumik ingerlatsinissamik nalilersuinerit) akuerineqarsimanngillat. Taamaattumik ingerlatassat aalajangersimasut, ilanngullugit qillerinerit, aallartinneqarsinnaanngillat.

### **Apeqqut 2. Uuliasiornissaq Nunatsinnut qanoq annertutigisumik aningaasatigut iluaqutaassava?**

**Akissut:** Nunatsinnut aningaasaqarnikkut iluaqutissartaannik nalilersuinissamut siusippallaarpoq. Suli nassaartoqarsimanngilaq. Suliassap annertussusissaa aalajangersarneqanngilaq. Isertitassaasinnaasunut nassaarineqartoq, tunisassiornissaq niuerfimmilu pissutsit apeqqutaasussaapput.

### **Apeqqut 3. Uuliasiornissamut piginnittoq kinaava?**

**Akissut:** Akuersissutit ingerlatseqatigiiffimmut White Flame Energy A/S-imut tunniunneqarput.

**A) Piginnittup ataani piginneqataasussat kikkuuppat?**

**Akissut:** Akuersissutit taamaallaat White Flame Energy A/S-imut tunniunneqarput. White Flame Energy A/S, 80 Mile plc-imit pigineqarpoq. 80 Mile plc, aamma Dundas Titanium A/S-imit, Nikkeli Greenland A/S-imit aammalu Disko Exploration Ltd. -imit, Kalaallit Nunaanni aatsitassarsiorluni misissuinissamut akuersissutinik kiisalu piiaanissamut akuersissummik ataatsimik tunineqarsimasunit, pigineqarpoq.

**a. Nunatsinniit aningaasaleeqataasoqarpa? Kikkut?**

**Akissut:**

Kalallit Nunaanniit aningaasalersorneqanngilaq. Aningaasalersuinissaq pisinnaatitsissummik pigineqartumit immaqalu suleqataannit isumagineqartussaavoq.

**b. Nunarput piginneqataassutaa %-nngorlugu qanoq inissisimava?**

**Akissut:** Kalaallit Nunaat akuersissutini piginneqataanngilaq.

**c. Akileraarutitigut qanq inissisimava, sulisut avataaniinngaanneerpata nunatsinniillu sumut skateertarniarpat?**

**Akissut:** Akileraartussaataitanissamut Kalaallit Nunaanni inatsisit atuuttut aammalu atorfinitsitsinermut tunngasut ataasiakkaat apeqqutaasussaapput. Aallaaviatigut sulineq Kalaallit Nunaanni ingerlanneqartoq Kalaallit Nunaanni akileraartussaataaaffiuvoq. Tamanna aamma nunanit allamiunut sulisartunut nunatsinniittunut nunatsinnilu sulisunut atuuppoq.

**Apeqqut 4. Jameson land Ittoqqortoormiit ungasinngisaaniimmat illoqarfimmut, innuttaasunut uumasunullu sunniutissaat suuppat? Sunniutigisinnaasaallu suuppat?**

**Akissut:** Avatangiisinut, uumasunut innuttaasunullu sunniutaasussat suli aalajangersarneqanngillat. Tamatumunnga VVM-imut aamma VSB-imut nassuiaatit pisariaqarput. Taakkua suliarineqartussaapput, akuerineqartussaallutik tusarniaassutigalugillu nassiunneqartussaallutik. Tamatuma kingorna sunniutaasussat ataasiakkaatigut nalilersorneqarsinnaalissapput, aatsaalliu tamatuma kingorna aatsitassanut

ikummatissanullu inatsit naapertorlugu akuersissutit inaarutaasut akuersissuteqarnerillu tunniuteqqinneqarsinnaalissapput.

**Apeqqu 5. Ittoqqortoormiunut uuliasiornissamut atatillugu kalaallit suliartorusuttut nunaserusuttut qanoq ammatinneqartigaat?**

**Akissut:** Najukkameersunik sulisoqarnissamut periarfissat suli paasinarsisinneqanngillat. Tamatumunnga suliassap annertussusaa aammalu VSB-imut nassuiaat pisussaq apeqqutaasussaapput.

**a. Inissaannik sanaartortoqarniarpa?**

**Akissut:** Inissialiortoqassanersoq aalajangiunneqanngilaq. Tamatumunnga suliassap annertussusaa aammalu VSB-imut nassuiaat pisussaq apeqqutaasussaapput.

**b. Uuliasiorfimmu sulerusullutik sumut saaffiginnissappat?**

**Akissut:** Sulisussarsiorneq, suliassaq akuerineqassappat, ingerlatsisusaaq aqputigalugu pisussaavoq. Atorfinnut allagarsiinerit atorfinitsitsinissamullu suliannik ingerlatitsinerit ingerlatseqatigiiffiup ingerlattussaavai. Naatsorsuutigineqarpoq atorfiit tamanut ammasumik allagarsiissutigineqassasut. Qinnuteqaatinut suleriaasissat pillugit paasissutissat erseqqinnerusut, aatsaat suliassaq akuerineqareerpat sukumiisumillu pilersaarusiorneqareerpat, pigineqalertussaapput.

**c. Sulerusuttut qanoq periarfissarsiuunneqassappat?**

**Akissut:** Najukkameersunik sulisoqarnissaq pillugu piunasaqaatit VSB-imut, tamatumalu kingorna Impact Benefit Agreement-ip (IBA) isumaqatiginninniutigineqarneranut atatillugu aalajangersarneqassapput. IBA-p isumaqatiginninniutigineqarnera ingerlatseqatigiiffiup, kommunip aamma Namminersorlutik Oqartussat akornanni pisarpoq. Isumaqatigiissut najukkameersunik sulisoqarnissamut, ilinniartitaanermut piginnaanngorsaanerimullu siunertanik imaqartussaassaaq.

**d. Kalaallit namminersortut soorlu ruujorilerisut, eletrikkerit, sanasut ilaallu ilanngullugit Jameson landimi uuliasiornissamut atatillugu neqeroorfigineqassamaarpat suleqataasinnaanissaannut?**

**Akissut:** Suliffeqarfinnik najukkameersunik suliagateqarnissaq taamatuttaaq IBA-mi sammeneqassaaq. Tassani najukkameersunik pilersuisoqarnissamut

inuussutissarsiortunillu atuinissamut killissaliussat aalajangersarneqarsinnaapput. Annertussusissaanut suliassap qanoq issusaa ataasiakkaatigullu isumaqatigininniarnert apeqqutaasussaapput.

**e. Sulerusuttut qaqugu ugartorneqarniarpat pikkorissagassaappatalu qaqugu pikkorissartinneqassappat?**

**Akissut:** Sulisussarsiornissamut pikkorissaanissanullu piffissamut pilersaarut aalajangersarneqarsimanngilaq. Tamatumunnga suliassap annertussusaa aammalu VSB-imut nassuiaat pisussaq apeqqutaasussaapput.

Inussiarnersumik inuulluaqqusillunga



Múte B. Egede

Nunanut Allanut, Inuussutissarsiornermut Aatsitassanullu Naalackersuisoq